



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Statv Religionis Christianae, Per Evropam, Asiam,
Africam, Et Orbem Nouum, Libri IV.**

Le Mire, Aubert

Coloniae Agrippinae, 1619

Cap. XL. De regno Bohemiae.

urn:nbn:de:hbz:466:1-11108

Episcopus ipse Geneuensis hodie sedem
habet Anessiaci, quod est Sabaudiæ op-
dum.

CAP V T XXXIX.

DE DVCATV POMERANIAE.

Pomerania, regio Germaniæ ad mare
Balticum, Ducatus titulo nobilitatur:
cuius vrbes sunt *Stetinum* emporium,
Caminum, vrbis olim Episcopalis sub Archi-
episcopo Gnesnensi, *Griphsvvaldia*, ob Ac-
ademiam an. 1546. institutam nota, & *VVol-
gastum*, Principis sedes. Pomeraniæ primi
Duces Bugislaus & Casimirus à Frederico
Barbarossa Imp. an. 1182. sunt creati.

CAP V T XL.

DE REGNO BOHEMIAE.

Bohemiæ metropolis est Praga, Re-
gum atque Imperatorum Romanorū
aliquot sœculis iucunda sedes. Habet
ea Archiepiscopum & Legatum natum, an.
1344. à Clemente VI. creatum: cui suffraga-
ri solent *Olomucensis* in Morauia, & *Lito-
missensis* in Bohemia Episcop. Posterior ista
sedes Episcopalis desit, furore Hussitarum,
qui

qui hodiisque totam ferè Bohemiam inficiunt. Eorum hæresis primaria est, SS. Eucharistiam sub vtraque specie calicis dan- *Hussitæ.* dam esse: ideoque calicis signum pro templorum suorum foribus collocare solent.

Præter Hussitas, viuunt in Bohemia magno etiam numero Lutherani, Caluinistæ, & Picardi: quorum postremi sunt reliquæ *Picardi.* veterum hæreticorum VValdensium. His nomen dedit Petrus VValdus, ciuis Lugdunensis, anno circiter 1170. qui patriâ relictâ, cum in Picardiam regni Galliæ Provinciam venisset, multos in eâ sectatores nactus est. Inde in Germaniam transiens, demum in Bohemia confedit: vnde etiam hodie, ij qui ea dogmata amplectuntur, Picardi vocantur. Sic ex Vido Perpiniano, Episcopo Lodeuensi, qui Inquisitoris munus in VValdenses exercuit, Iac. Thuanus tradit Hist.lib.6.

CAPUT XLI.

DE SILESIA ET
Moravia.

DVæ istæ Prouinciæ ad regnum Bohemiæ pertinent, certis fœderum conditionibus. Vtraque varijs sectis, vt

G 4 Bo-